



შირაქი

SHIRAKI

www.open.ge

გამოდის 1937 წლიდან

დადოვლისწყაროს მუნიციპალიტეტის გაზეთი

№23 (9.737)

20 - 25 ივნისი 2016 წელი

ფასი: 50 თეთრი

ყოველკვირეული გამოცემა



მმ.მ

დაზიანება

თუ

დაზინფორმაცია?!...

მოსავლის აღება დაიწყო



მმ. 5



მმ.მ

რა მოხდა


საქრებულოში?

სკოლებში სამეურვეო საბჭოები დაკომპლექტდა



მმ.2

გარდაცვლილი მშობიარის ოჯახს ექიმებთან პრევენზია არ აქვს



მმ.5

მეხსიერებასთან დაკავშირებული

5 უჩვეულო

ფაქტი

მმ.7



ეურადლება!

საქართველოს საარჩევნო კოდექსის მუხლი 50.2-4-ით განსაზღვრული მოთხოვნების შესაბამისად, წინასწარჩევნო კამპანიის ფარგლებში, გაზეთი „შირაქი“ ყველა საარჩევნო სუბიექტს დაუთმობს საგაზეთო ფართს პოლიტიკური რეკლამისათვის. 8 ოქტომბრამდე გაზეთი „შირაქი“ ყოველკვირეულად, თითოეულ ნომერში საპარლამენტო არჩევნებში მონაწილე საარჩევნო პარტიებსა და კანდიდატებს გაზეთის ფართს დაუთმობს, რომელიც განკუთვნილი იქნება ფასიანი პოლიტიკური რეკლამისთვის და თანაბრად გადანაწილდება ყველა საარჩევნო სუბიექტზე. ფასიანი პოლიტიკური რეკლამისთვის გამოყოფილი გაზეთის ერთი გვერდის ფასი კი 150 ლარით განისაზღვრება.

გიორგი კვირიკაშვილი - საქართველოს ევროპული არჩევანი, ეს არის თაობათა არჩევანი

საქართველოს ევროპული არჩევანი წარმოადგენს არა მხოლოდ არსებულ პრიორიტეტს, არამედ ეს არის თაობათა არჩევანი, რომელიც იზიარებს საქართველოს იდენტურობის ერთიან აღქმას, - ამის შესახებ საქართველოს პრემიერ-მინისტრმა გიორგი კვირიკაშვილმა პუმბოლდტის უნივერსიტეტში საჯარო ლექციაზე განაცხადა.

როგორც საქართველოს მთავრობის ადმინისტრაციის პრესსამსახურიდან გვაცნობს, საჯარო ლექციას დაესწრნენ ბერლინის სხვადასხვა უმაღლესი სასწავლებლების პროფესორ-მასწავლებლები, ექსპერტები და სტუდენტები.

„საქართველოს ევროპული არჩევანი წარმოადგენს არა მხოლოდ არსებულ პრიორიტეტს, არამედ ეს არის თაობათა არჩევანი, რომელიც იზიარებს საქართველოს იდენტურობის ერთიან აღქმას. ეს არის არჩევანი, რომელიც დაგვიხმარა უკანასკნელი წლების მანძილზე მიგვეღწია მნიშვნელოვანი პროგრესისთვის ევროპულ და ევროატლანტიკური ინტეგრაციის კუთხით. ეს არის შედეგი. ჩვენ მივალწევთ ნარმატებს და განვადგინებთ ნარმატებულ სვლას ყველა იმ ვალდებულების განხორციელების კუთხით, რომელსაც ითვალისწინებს საქართველოსა და ევროკავშირს შორის ასოცირების ხელშეკრულება. აღნიშნული ხელშეკრულება წარმოადგენს ქვეყნის განვითარებისა და თანამედროვე ევროპული დემოკრატიის დამყარების გეგმას. ღრმა და ყოვლისმომცველი თავისუფალი ვაჭრობის სივრცე წარმოადგენს ასოცირების შეთანხმების შემადგენელ ნაწილს, რომელიც უზრუნველყოფს მსოფლიოს ყველაზე დიდ ბაზარზე, ევროპულ ბაზარზე, ქართული პროდუქციის თავისუფალ და მარტივ მიწოდებას. აღნიშნული ხელს შეუწყობს საინვესტიციო კლიმატის აყვავებას და ეკონომიკურ ზრდას. ევროპასთან ასოცირება ჩვენთვის იმაზე მეტია, ვიდრე პოლიტიკა და ბიზნესი: ჩვენ ვიძლევიან იმისათვის, რომ დავაახლოვოთ ქართველი და ევროპელი მოქალაქეები ყველა სფეროსა და ყველა სექტორში, ნებისმიერ დონეზე“, - განაცხადა პრემიერმა.

ინოვაციური ბიზნესის ხელშეწყობის პროგრამა „სტარტაპ საქართველო“ იწეება

საქართველოს მთავრობის რეკონსტრუქციისა და ინფრასტრუქტურის განვითარების პროგრამის „სტარტაპ საქართველო“ იწყება. პროგრამის ფარგლებში მოქალაქეებს, ბანსაპოლიტიკოსთა, ახალგაზრდებს, რომლებსაც ფინანსური რესურსის არქონის გამო არ შეუძლიათ ბიზნესის დაწყება, შესაძლებლობა მიეცემათ თავიანთი ბიზნესი დაიწყონ.

პროგრამის განხორციელების პირველ ეტაპზე სახელმწიფო 11 მილიონ ლარს გამოყოფს, რომლითაც ინოვაციური და მაღალტექნოლოგიური სტარტაპები დაფინანსდება. სამომავლოდ, უფრო მეტი სტარტაპის დაფინანსების მიზნით, პროგრამის ბიუჯეტი, შესაძლოა, 35 მილიონ ლარამდე გაიზარდოს.

მთავრობის ადმინისტრაციის ინფორმაციით, პროგრამის განხორციელების შედეგად, ქვეყანაში სამეწარმეო სულისკვეთება ამაღლდება, დაიწყება არაერთი ახალი ბიზნესი, შეიქმნება ახალი სამუშაო ადგილები და მოსახლეობას საკუთარი შემოსავლის წყარო გაუჩნდება.

პროგრამის კოორდინატორები არიან საპარტნიორო ფონდი და საქართველოს ინოვაციების და ტექნოლოგიების სააგენტო.

პროგრამის მონაწილე შეიძლება გახდეს საქართველოს ნებისმიერი მოქალაქე, პირი ან პირთა ჯგუფი, ვისაც აქვს საახლევო ორიენტირებული, პერსპექტიული და მდგრადი ბიზნესინიანდაცვა და მისი განხორციელებისთვის საწყისი დაფინანსება სჭირდება.

განაცხადების მიღება 2016 წლის 17 ივნისიდან 31 ივლისის ჩათვლით გაგრძელდება. განაცხადის ფორმა, შევსების წესი და პროგრამის შესახებ დეტალური ინფორმაცია განთავსდება სპეციალურად შექმნილ ინტერნეტ გვერდზე www.startup.gov.ge. პროგრამაში მონაწილეობის მსურველებს ასევე მოემსახურებიან ტექნოლოგიური პარკის შენობაში, სადაც განთავსდება პროგრამის ფონდ-ოფისი და დანტერესებული პირები ერთი ფანჯრის პრინციპით ამომწურავ ინფორმაციას მიიღებენ პროგრამის შესახებ. მსურველების უკეთ ინფორმირებისთვის ასევე ამოქმედდება სატელეფონო ცხელი ხაზი. პროექტები კონკურსის წესით შეირჩევა.

ვალტერ შტაინმაიერი - გერმანია საქართველოს ევროპასთან დაახლოების პროცესს და თანამშრომლობას მომავალშიც მთელი გულით დაუჭერს მხარს



გერმანიის ფედერაციულ რესპუბლიკაში ოფიციალური ვიზიტის დასასრულს საქართველოს პრემიერ-მინისტრი გიორგი კვირიკაშვილი საქართველოს დამოუკიდებლობის დღისადმი მიძღვნილ საზეიმო მიღებას დაესწრო. საქართველოს საელჩოს მიერ ორგანიზებულ მიღებაზე, მონაწილე სტუმრებს შორის იყო გერმანიის საგარეო საქმეთა ფედერალური მინისტრი ვალტერ შტაინმაიერი, რომელმაც სიტყვით მიმართა დამსწრე საზოგადოებას.

გერმანიის საგარეო საქმეთა ფედერალური მინისტრის განცხადებით, გერმანია საქართველოს ევროპასთან დაახლოების პროცესს და თანამშრომლობას მთელი გულით უჭერს მხარს. ვალტერ შტაინმაიერი მიიჩნევს, რომ საქართველომ ზედმიწევნით შეასრულა ყველა დავალება ვიზალიზებული საზოგადოების სამოქმედო გეგმის ფარგლებში.

„მე ძალიან ვგულშემატკივრობ ვიზალიზებული საზოგადოების საქმიანობას საქართველოსთან მიმართებაში. მე მესმის, რომ საქართველომ მოქალაქეებს ევროკავშირში უვიზო მიმოსვლა სურთ, მას შემდეგ რაც ის სავალდებულო ნაბიჯები, რასაც ევროკავშირი საქართველოდან ელოდა, საქართველომ შეასრულა. მე მტკიცედ მჯერა და ამას ძალიან მკაფიოდ ვიტყვი, მე მტკიცედ მჯერა, რომ ჩვენ ამ საკითხების გადაწყვეტა შეგვიძლია და ჩვენი ორივე ქვეყნის ხალხისთვის სწორ გადაწყვეტილებას მივიღებთ, მაგრამ მანამდე ვფიქრობ, რომ საჭიროა ჩვენი სიმტკიცე, გულმოდგინე შრომა და ერთად დავდგომა. ამის გამოხატულებაა ბოლო 2-3 კვირის ჩვენი ინტენსიური დიალოგი, რაც თავის მხრივ ჩვენი ახლო, კონსტრუქციული ურთიერთობების გაგრძელებაა და მიზნად ისახავს არსებული საკითხების გადაჭრის გზების პოვნას. გერმანიისა და საქართველოს ერთად დგომის გამოხატულებაა ის, რომ ჩვენ დღეს ერთად ვზეიმობთ საქართველოს ნაციონალურ დღესასწაულს“, - აღნიშნა ვალტერ-შტაინმაიერმა.

მისივე განცხადებით, დამოუკიდებლობის მოპოვებიდან 25-ე წლისთავზე, ევროპასთან დაახლოების კუ-

თხით, საქართველომ შეძლო და განახორციელა ძალიან ამბიციური რეფორმები.

„მე ვფიქრობ, რომ საქართველოს და ქართველებს შეუძლიათ იამაყონ, არა მხოლოდ დამოუკიდებლობით, არამედ ქართულ ენის, ლიტერატურისა და ხელოვნების მრავალსაუკუნოვანი ტრადიციებით. ასევე იმ შედეგით, რაც დამოუკიდებლობის მოპოვებიდან 25 წლის თავზე ევროპასთან დაახლოებისა და თანამშრომლობის კუთხით იქნა მიღწეული და ასევე ძალიან ამბიციური შიდა რეფორმებით, რომელიც საქართველომ ამ პერიოდის განმავლობაში განახორციელა. პატივცემული პრემიერ-მინისტრო, ძვირფასო გიორგი, მინდა გითხრათ, რომ გერმანია საქართველოს ევროპასთან დაახლოების პროცესსა და თანამშრომლობას მომავალშიც მთელი გულით დაუჭერს მხარს. ისევე როგორც, და ჩვენ ამაზე შეხვედრის დროსაც ვისაუბრეთ, რასაკვირველია, მხარს ვუჭერთ არა მარტო საქართველოს დამოუკიდებლობას, არამედ უპირველეს ყოვლისა საქართველოს ტერიტორიულ მთლიანობას და რასაკვირველია, დღევანდელი შეხვედრის დროს ჩვენ საქართველოს ოკუპირებულ ტერიტორიებთან დაკავშირებულ კონფლიქტებზეც ვისაუბრეთ.“ - განმარტა ვალტერ შტაინმაიერმა.

მისივე თქმით, ქართულ-გერმანული ურთიერთობები ძალიან მყარ ფუნდამენტზე დგას, რაც აუცილებელია იმ გამოწვევებთან გასამკლავებლად, რის წინაშეც დგას ორივე ქვეყანა.

სიტყვით გამოსვლისას საქართველოს პრემიერ-მინისტრმა მადლობა გადაუხადა გერმანიის საგარეო საქმეთა ფედერალური მინისტრს საქართველოს მხარდაჭერისა და გულთბილი მიღებისთვის. მანვე ხაზი გაუსვა საქართველო-გერმანიის ურთიერთობების გაღრმავების მნიშვნელობას და იმედი გამოთქვა, რომ გერმანიის მხარდაჭერა მომავალშიც გაგრძელდება.

„გერმანია იყო ერთ-ერთი პირველი ქვეყანა, რომელმაც აღიარა საქართველოს დამოუკიდებლობა. უფრო მეტიც, გერმანია იყო პირველი სახელმწიფო, რომელმაც საელჩო გახსნა თბილისში 1992 წლის აპრილში და ეს მისი შეასრულა გერმანიის ერთ-ერთმა ბრწყინვალე მოღვაწემ ჰანს-დიტრიხ გენშერმა, რომელმაც დახმარება გაუწია ახლადმოხილ სახელმწიფოს პირველი დამოუკიდებელი ნაბიჯების გადადგმაში სახელმწიფოებრიობის გზაზე. მას შემდეგ გერმანია მტკიცედ უჭერს მხარს საქართველოს დამოუკიდებლობას, სუვერენიტეტსა და, რაც მთავარია, ტერიტორიულ მთლიანობას. ჩვენ ძალიან მადლიერნი ვართ ამისთვის. გერმანიის მხარდაჭერა საქართველოსადმი ეფუძნება ჩვენს საერთო ღირებულებებს და ფუნდამენტურია ჩვენთვის, რადგან ჩვენ ვცდილობთ ჩვენი ევროპული და ევროატლანტიკური ინტეგრაციის დღის წესრიგის განხორციელებას.“ - განაცხადა გიორგი კვირიკაშვილმა.

ბერლინში გამართულ საზეიმო მიღებას დიპლომატები, ბიზნესისა და პოლიტიკური წრეების წარმომადგენლები დაესწრნენ.

სკოლებში სამეურვეო საბჭოები დაკომპლექტდა

საქართველოს საჯარო სკოლებში 10 ივნისს სკოლის თვითმმართველობის უმაღლესი ორგანოს – სამეურვეო საბჭოს არჩევნები გაიმართა.

როგორც დედოფლისწყაროს საგანმანათლებლო რესურსცენტრში ამბობენ, არჩევნებმა მშვიდ ვითარებაში ჩაიარა დედოფლისწყაროს ყველა საჯარო სკოლაში. რესურსცენტრის უფროსის, ეთერ ზურიკაშვილის განმარტებით, ექსცესებს ადგილი არ ჰქონია და აქტივობაც საკმაოდ დაფიქსირდა. უკვე

დაკომპლექტებული სამეურვეო საბჭოები თავმჯდომარეს უახლოეს დღეებში აირჩევენ.

„დილიდან ყველა სკოლა პირადად შემოვიარე და პროცესი ყველგან მშვიდ ვითარებაში წარიმართა. შედეგები სამინისტროს გადავუგზავნეთ,“ - აღნიშნავს ეთერ ზურიკაშვილი.

სამეურვეო საბჭო სკოლის მმართველობაში ერთ-ერთი მნიშვნელოვანი რგოლია, მის წევრებს მშობლები და პედაგოგები ირჩევენ. სამეურვეო საბჭო ირჩევს სკოლის დირექტორს, ამტკიცებს სკოლის ბიუჯეტსა და შინაგანაწესს, ითანხმებს სასკოლო სასწავლო გეგმას. საბჭოს წევრები არიან სკოლის მასწავლებლები, მშობლები და საშუალო საფეხურის ერთი მოსწავლე.

გასული წლებისგან განსხვავებით საარჩევნო უბნებზე ამჯერად არცერთი საჯარო მოხელე არ დაგვიფიქსირებია. 2009 წელს დედოფლისწყაროს პირველ საჯარო სკოლაში საბჭოს არჩევნებს დამკვირვებლის სტატუსით 16 პირი აკვირდებოდა. სინამდვილეში ისინი ნაციონალური მოძრაობის წევრები და გამგეობისა და საკრებულოს თანამშრომლები იყვნენ.

მაშინ დაფიქსირდა ისეთი ფაქტებიც, როცა ხმის მისაცემად მოსული არაერთი მშობელი, საარჩევნო უბანში არ დაუშვს.



რა მოხდა საკრებულოში?

15 ივნისს გამართა დედოფლისწყაროს მუნიციპალიტეტის საკრებულოს სხდომა, რომლის დღის წესრიგშიც მოიცავდა საქართველოს პარლამენტის 2016 წლის არჩევნებთან დაკავშირებით საარჩევნო კლასიფიკაციის განსაზღვრას ადგილობრივი მნიშვნელობის საარჩევნო უბნების განსაზღვრას და საარჩევნო უბნების დასახელების დასაზღვრავად საარჩევნო უბნების დასახელების განსაზღვრას. მუშაობა, სხდომის განხილვის შემდეგ აქტუალური სხვა საკითხი გახდა.

სხდომათა დარბაზში მყოფი პირები, რომლებიც სააგენტო „allmedia“-ს წარმომადგენლები ითხოვდნენ საკრებულოს სხდომის ვიდეოგადაღების უფლებას. ამ საკითხს მწვავე დებატები მოჰყვა. საქმე იმაში გახლავთ, რომ საკრებულოს წინა სხდომაზე დეპუტატებმა იხელმძღვანელეს მოქმედი რეგლამენტი და კენჭი უყარეს საკითხს, რომელიც ითვალისწინებდა „allmedia“-ს ჟურნალისტისთვის საკრებულოს სხდომის ვიდეოგადაღების უფლების მიცემას. საკრებულოს წევრებმა ერთხმად მიიღეს გადაწყვეტილება, არ დაერთოთ ნება „allmedia“-ს წარმომადგენლისთვის და მოთხოვნის შესაბამისად მისთვის მიენიჭებინათ საკრებულოს პრესსამსახურის მიერ გადაღებული ვიდეომა-

სალა. სხდომაზე ხმაური სწორედ აღნიშნულმა გადაწყვეტილებამ გამოიწვია. სააგენტო „allmedia“-ს წარმომადგენლები აპროტესტებდნენ საკრებულოს გადაწყვეტილებას და მას, როგორც ჟურნალისტებისთვის მუშაობის ხელის შეშლელ ფაქტად განიხილავდნენ. მათ ინტერესებს იცავდნენ „ნაციონალური მოძრაობის“ წარმომადგენლები საკრებულოში. ლევან ბალაშვილმა საკრებულო ჟურნალისტებისთვის მუშაობის ხელის შეშლაში დაადანაშაულა: „თქვენ დაუშვით პრეცედენტი მთელი საქართველოს მასშტაბით და ჟურნალისტებს უზღუდავთ საჯარო ინფორმაციის მიღებას. საკრებულოს სხდომა არის საჯარო და მასზე დასწრება ნებისმიერ მოქალაქეს შეუძლია. რაც შეეხება ვიდეოგადაღების აკრძალვას, ეს იმ შემთხვევაში შეიძლება, თუ სხდომა დახურულია“, - განაცხადა მან, რასაც დარბაზში მოჰყვა წინა ხელისუფლების პერიოდში არსებული ფაქტების გახსენება და ურთიერთბრალდებები. სიტუაცია საკრებულოს თავმჯდომარემ განმუხტა, რომელმაც განმარტა, რომ საკრებულო იმოქმედა საკრებულოს რეგლამენტის მექანიზმების რეგულაციების შესაბამისად: „დედოფლისწყაროს მუნიციპალიტე-

ტის საკრებულოს რეგლამენტი მიღებულია ადგილობრივი თვითმმართველობის კოდექსის შესაბამისად, რომლითაც განსაზღვრულია დედოფლისწყაროს მუნიციპალიტეტის საკრებულოს უფლებამოსილება, სტრუქტურა, მისი სტრუქტურული ერთეულებისა და თანამდებობის პირთა უფლება-მოვალეობები, ასევე, მუშაობის ორგანიზაციისა და საქმიანობის წესი. ადგილობრივი თვითმმართველობის კოდექსის შესაბამისად, „დედოფლისწყაროს მუნიციპალიტეტის საკრებულოს რეგლამენტის დამტკიცების თაობაზე“ დედოფლისწყაროს მუნიციპალიტეტის საკრებულოს 2014 წლის 14 ივლისის № 13 დადგენილება და ამ დადგენილებაში შეტანილი ცვლილებები გადაგზავნილი იყო ზედამხედველობის ორგანოში სამართლებრივი ექსპერტიზისთვის და დადგენილებების საქართველოს კანონმდებლობასთან შეუსაბამობა არ გამოვლენილა (ზედამხედველობის ორგანოდან საკრებულოს უარყოფითი დასკვნა არ მიუღია). ყოველივე ზემოთქმულიდან გამომდინარე, დედოფლისწყაროს მუნიციპალიტეტის საკრებულოს მიზანია, რომ ამ გადაწყვეტილებით მოქმედი კანონმდებლობა არ დარღვეულა“.



ერთხელ დააყენა ეს საკითხი კენჭისყრაზე. მიუხედავად იმისა, რომ საკრებულოს წევრების უმრავლესობამ არ მისცა ჟურნალისტებს ვიდეოგადაღების უფლება, ისინი მაინც ჯიუტად აგრძელებდნენ ვიდეო კადრების მოპოვებას. საკრებულოს თავმჯდომარის გადაწყვეტილებით, ამ საკითხისთვის ზედმეტი ყურადღება აღარ მიუქცევიათ და ამჯერად კენჭისყრაზე დააყენეს ის საკითხები, რისთვისაც რიგგარეშე სხდომა გაიმართა. საკრებულოს უმრავლესობის წარმომადგენლებმა ჩათვალეს, რომ დამსწრე ჟურ-

ნალისტებმა შეურაცხყოფა მიაცემეს მათ გადაწყვეტილებას და მარტივი დასკვნა გამოიტანეს: „მათი მთავარი მიზანი პროვოკაციის მოწყობა იყო. ეს იქიდანაც გამომდინდა, რომ მათ არც კანონს სცეს პატივი. როგორც ჩანს, მათ სურდათ, საკრებულოს თავმჯდომარეს პოლიცია გამოეძახა და მეტი ხმაური ყოფილიყო დედოფლისწყაროს ადგილობრივი თვითმმართველობაში. ეს არცაა გასაკვირი, მათ ხომ ზურგს ნაციონალური მოძრაობა უმაგრებს“.

ინგა შიოლაშვილი

დაზიანება თუ დეზინფორმაცია?!...

მოვიდა ზაფხული და წყლის საკითხი სულ უფრო აქტუალური ხდება. მიუხედავად იმისა, რომ გაერთიანებული წყალმომარაგების კომპანიის დედოფლისწყაროს სერვისცენტრის თანამშრომლები გვაიმედებენ, რომ წელს წყალმომარაგების თვალსაზრისით უკეთესი მდგომარეობა იქნება, მოსახლეობა მაინც შიშით შეჰყურებს ზაფხულს.

ქალაქ დედოფლისწყაროს ზედა ნაწილში, სულ რაღაც ერთი საათით შეწყვეტილია წყალი კი უამრავი მითქმამოთქმა გამოიწვია. მოსახლეობაში გავრცელდა ხმები, რომ ცენტრალურ რეზერვუარში სერიოზული ინფექციის წყარო არსებობდა მკვდარი ძაღლის სახით და წყლის სასმელად გამოყენება შეუძლებელი იყო. ასევე ვრცელდებოდა ინფორმაცია, რომ წყლის მიწოდების აღდგენა რამდენიმე დღის მანძილზე ვერ მოხერხდებოდა...

პანიის დედოფლისწყაროს სერვისცენტრში ვცადეთ. როგორც გაზეთ „მირაქს“ განუმარტეს, ეს არის ცრუ ინფორმაცია. სინამდვილეში დაზიანება იყო ჭაჭაჭაძის ქუჩაზე და წყალიც სულ რაღაც ერთი საათით შეწყდა. დაზიანების აღმოფხვრის შემდეგ დედოფლისწყაროელებს მალევე აღუდგა წყალმომარაგება. გვინდა მოვუწოდოთ მოსახლეობას, რომ არ აყვანენ გარკვეული ძაღლების მიერ გავრცელებულ აბსურდულ ინფორმაციებს. ჩვენ ვზრუნავთ როგორც მოსახლეობის წყლით უზრუნველყოფაზე, ასევე მათ ჯანმრთელობაზე“-განაცხადადეს გაერ-

თიანებული წყალმომარაგების კომპანიის დედოფლისწყაროს სერვის ცენტრში.

ცნობილია ისიც, რომ რეზერვუარში წყლის დეზეტის გასაზრდელად მასშტაბური სამუშაოები მიმდინარეობს ელის მთის მიმდებარე ტერიტორიაზე, საიდანაც დედოფლისწყაროს წყლის დამატებითი რესურსი მიენოდება. ეს კი ზაფხულის ცხელ დღეებში შექმნილ დეფიციტს აღმოფხვრის. გეოლოგები გვაიმედებენ, რომ რამდენიმე ვარიანტიდან საუკეთესო წერტილი შეირჩა და წყლის მარაგი მოსალოდნელზე მეტია.

ქ. დედოფლისწყარო 15 ივნისი 2016წელი
დედოფლისწყაროს მუნიციპალიტეტის საკრებულოს ბანკარბულება №14

საქართველოს პარლამენტის 2016 წლისარჩევნებთან დაკავშირებით სააგენტო მასალების (პლაკატების) განთავსების რეგულირების შესახებ

საქართველოს ორგანული კანონის „საქართველოს საარჩევნო კოდექსის“ 46-ე მუხლის მე-4 და მე-5 პუნქტების შესაბამისად, დედოფლისწყაროს მუნიციპალიტეტის საკრებულომ გადაწყვიტა:

1. საქართველოს პარლამენტის 2016 წლის არჩევნებთან დაკავშირებით, დედოფლისწყაროს მუნიციპალიტეტის ტერიტორიაზე საარჩევნო პლაკატების გამოსაკრავად(გამოსაფხვად) განისაზღვროს შემდეგი ადგილები:
 - 1) კულტ-სახლების ფასადები და მათი კაპიტალური მესრები.
 - 2) სახელმწიფო და ადგილობრივი თვითმმართველობის მიერ დაფუძნებული სასწავლო- აღმზრდელი დაწესებულებების კაპიტალური მესრები.
 - 3) სახელმწიფო და ადგილობრივი თვითმმართველობის საკუთრებაში არსებული შენობა-ნაგებობები და მათი კაპიტალური მესრები, გარდა მათი ადმინისტრაციული შენობებისა, აგრეთვე მათ მიერ დაფუძნებული იურიდიული პირების საკუთრებაში (მფლობელობაში) არსებული შენობა ნაგებობები და მათი კაპიტალური მესრები;
 - 4) სახელმწიფო და ადგილობრივი მნიშვნელობის გზებზე განთავსებული ღამის განათების ბოძებზე - სამი მეტრის სიმაღლემდე დაშვებით, მაგრამ სადენებთან და სხვა ელექტრო მოწყობილობებთან არაუმეტეს ერთი მეტრის სიხლოებისა.
2. აკრძალულია საარჩევნო პლაკატების გაკვრა საკულტო ნაგებობებზე, სახელმწიფო ხელისუფლებისა და ადგილობრივი თვითმმართველობის ორგანოების (მის: ქ.დედოფლისწყარო კოსტავას ქ.№44), ასევე სასამართლოსა (მის: ჰ.გონაშვილის ქ.№2) და პოლიციის (მის: ქ. დედოფლისწყარო, რუსთაველის ქუჩა და სოფ.არხილოსკალო)შენობა-ნაგებობების ინტერიერსა და ექსტერიერში და საგზაო ნიშნებზე.
3. განკარგულება ძალაშია საჯაროდ გამოცხადებისთანავე;
4. განკარგულებისგასაჩივრებაშიდებუბასილნალისრაიონულსასამართლოში (ქ.სიღნაღი, ცოტნე დადიანისქ. №15) საჯაროდ გამოცხადებიდან ერთი თვის ვადაში.

საკრებულოს თავმჯდომარე ზვიად ჯაპახიშვილი

ქ. დედოფლისწყარო 15 ივნისი 2016წელი
დედოფლისწყაროს მუნიციპალიტეტის საკრებულოს ბანკარბულება №15

საქართველოს პარლამენტის 2016 წლის არჩევნებთან დაკავშირებით საარჩევნო ღონისძიებების გასამართად და წინასაარჩევნო კამპანიის (აგიტაციის) მოსაწყობად მუნიციპალიტეტის საკუთრებაში არსებული შენობა-ნაგებობების საოლქო საარჩევნო კომისიისათვის უსასყიდლოდ გადაცემაზე თანხმობის მიცემის შესახებ

საქართველოს საარჩევნო კოდექსის 45-ე მუხლის მე-8 და მე-9 პუნქტების შესაბამისად და ადგილობრივი თვითმმართველობის კოდექსის 54-ე მუხლის 1-ლი პუნქტის „დ.დ“ ქვეპუნქტის შესაბამისად, დედოფლისწყაროს მუნიციპალიტეტის საკრებულომ გადაწყვიტა:

1. მიეცეს თანხმობა დედოფლისწყაროს მუნიციპალიტეტის გამგებელს, საქართველოს პარლამენტის 2016 წლის არჩევნებთან დაკავშირებით, არჩევნების შედეგების საბოლოო გამოცხადებამდე მასობრივი საარჩევნო ღონისძიებების გასამართად უსასყიდლოდ დაუთმოს და წინასაარჩევნო კამპანიის (აგიტაციის) მოსაწყობად გადასცეს საოლქო საარჩევნო კომისიას მუნიციპალიტეტის საკუთრებაში არსებული შემდეგი შენობა-ნაგებობები:
 1. ქ. დედოფლისწყაროში - ხელოვნების სკოლის შენობა (საკონცერტო დარბაზი) მის: ცხრა ძმის ქ. №2
 2. სოფელ არბოშიკში-კულტურის სახლის შენობა.
 3. სოფელ ოზანში- ადმინისტრაციული (ყოფილი საკრებულოს) შენობა.
 4. სოფელ გამარჯვებაში- ადმინისტრაციული (ყოფილი საკრებულოს) შენობა.
 5. სოფელ ხორნაბუჯში- ადმინისტრაციული (ყოფილი საკრებულოს) შენობა.
 6. სოფელ ზემო მაჩხანში-კულტურის სახლის შენობა.
 7. სოფელ სამრეკლოში-კულტურის სახლის შენობა.
 8. სოფელ ზემო ქედში-კულტურის სახლის შენობა.
 9. სოფელ ქვემო ქედში- ადმინისტრაციული (ყოფილი საკრებულოს) შენობა.
 10. სოფელ სამთავაროში - ადმინისტრაციული (ყოფილი საკრებულოს) შენობა.
2. განკარგულება ძალაშია საჯაროდ გამოცხადებისთანავე;
3. განკარგულებისგასაჩივრებაშიდებუბასილნალისრაიონულსასამართლოში (ქ.სიღნაღი, ცოტნე დადიანისქ. №15) საჯაროდ გამოცხადებიდან ერთი თვის ვადაში.

საკრებულოს თავმჯდომარე ზვიად ჯაპახიშვილი

გარდაცვლილი მშობიარის ოჯახს ექიმატანს პრეტენზია არ აქვს

წნორის საავადმყოფოში დედოფლისწყაროელი ორსულის გარდაცვალების ფაქტს ჯანდაცვის სამინისტროს სამედიცინო რეგულირების სააგენტო შეისწავლის. გამოძიება დაიწყო შინაგან საქმეთა სამინისტროს დედოფლისწყაროს პოლიციის სამმართველომაც. დედოფლისწყაროს სოფელ სამთაწყაროში მცხოვრები 28 წლის იამზე ბერიძე მშობიარობის შემდგომი გართულებებით წნორის საავადმყოფოში რამდენიმე დღის წინ გარდაიცვალა.

სამედიცინო რეგულირების სააგენტოში აცხადებენ, რომ მოკვლევას სასამართლოს ნებართვის მიღების შემდეგ დაიწყებენ.

„სამედიცინო რეგულირების სააგენტოში რეგულირების სააგენტომ უკვე განიხილა შპს „არქიმედეს კლინიკა“-სილნალიდან 31 მაისს შემოსული შეტყობინება, მელოგინის გარდაცვალების ფაქტზე. მენარმის საქმიანობის შემოწმების თაობაზე უფლების მიღების მიზნით, რეგულირების სააგენტომ შუამდგომლობით სილნალის რაიონულ სასამართლოს მიმართა. სააგენტო ლონისძიებების გატარებას, სასამართლოს ნებართვის მიღების შემდეგ დაიწყებს“, - ამბობენ სამედიცინო რეგულირების სააგენტოში.

შს სამინისტროს პრესსამსახურში აცხადებენ, რომ იამზე ბერიძის გარდაცვალების ფაქტზე გამოძიება სსკ-ის 130-ე მუხლით მიმდინარეობს, რაც ავადმყოფის განსაცდელში მიტოვებას გულისხმობს და 3-დან 5 წლამდე თავისუფლების აღკვეთით, ან 3 წლამდე საქმიანობის უფლების ჩამორთმევით ისჯება.

როგორც სოფელში ამბობენ, გარდაცვლილი მანამდე სოფლის საბავშვო


ბაღში მუშაობდა და ჯანმრთელობის პრობლემებს არ უჩიოდა.

გარდაცვლილის ახლობლები ირწმუნებიან, რომ მშობიარე სრულიად ჯანმრთელი შეიყვანეს, სამშობიაროს პერსონალის მიერ გამოჩენილი დაუდევრობის გამო კი ორსულის მდგომარეობა გართულდა, სისხლდენა ვერ შეუჩერდა. მოგვიანებით მშობიარის თბილისში გადაყვანა კატასტროფის ცენტრის ეკიპაჟმა სცადა, თუმცა მისი გადარჩენა ვერ მოხერხდა.

როგორც წნორის არქიმედეს კლინიკის დირექტორმა ოთარ რუაძემ განაცხადა, მშობიარის გარდაცვალების მიზეზი სისხლდენა გახდა. მისივე თქმით, ქალმა მშობიარობამდე კონსულტაცია გაიარა და შემდგომი პრობლემები მოსალოდნელი არ ყოფილა. ახალშობილი ბიჭს გადარჩენა მოხერხდა. ჩვილი ამ დროისთვის ლაგოდეხის საავადმყოფოს ბავშვთა რეანიმაციულ განყოფილებაშია მოთავსებული. ექიმების ინფორმაციით, ბავშვის სიცოცხლეს საფრთხე არ ემუქრება. გარდაცვლილს ახალშობილის გარდა, 6 წლის გოგონა დარჩა.

თავდაპირველად ვრცელდებოდა ინფორმაცია, რომ გარდაცვლილის ოჯახი მედიკოსებს გულგრილობაში ადანაშაულებდა და ექიმების წინააღმდეგ ჩვილის გეგმავდა. თუმცა, ამჟამად, გარდაცვლილის მეუღლე ამბობს, რომ მედიკოსებთან არანაირი პრეტენზია არ აქვს. გურამ კილაძე ადასტურებს, რომ მისი მეუღლე სრულიად ჯანმრთელი იყო და ორსულობის პერიოდში ყველა კონსულტაცია გაიარა.

ბურამ კილაძე: (გარდაცვლილის მეუღლე) „ჯანმრთელი იყო, არაფერს უჩიოდა. ბოლო ხანს, რამე გართულება რომ ყოფილიყო, ან თავი ცუდად ეგრძნო, მშობიარობამდე სახლში ხომ არ მეყოლებოდა. დილით რვა საათ-



გარდაცვლილის მეუღლე: „რასაც ვუყურებ, ყველა ღონე იხმარეს, ამიტომ მეც და სიდედრ-სიმაგრამაც ხელი მოვაწერეთ, რომ ექიმატანს პრეტენზია არ გვაქვს“

ზე შეიყვანეთ და ორის ნახევარზე გარდაიცვალა. არცერთი კონსულტაცია არ გავიცდენია, ჩვეულებრივად დამყავდა, მივიდიოდით-მოვიდიოდით. ექიმები რომ გამოდიოდნენ მეუბნებოდნენ, ყველაფერი კარგად მიდის, ყველაფერი კარგად არისო და რავიცი, როდის გართულდა ვითარება. წნორშივე გარდაიცვალა, ვერ მოვასწარი თბილისში გადაყვანა.

რაც შეეხება ექიმების ბრალეულობას, ან გულგრილობას, მედიცინაში ვერ ვერკვევი, მაგრამ იქ ვიყავი და ვხედავდი, რომ რაც შეეძლო, ყველა ღონე იხმარეს, ძალა არ დაუშურებიათ. რასაც ვუყურებდი შემიძლია ვთქვა, რომ ექიმებმა გადასარჩენად ყველაფერი იღონეს. მაგრამ ყველაფერი ღმერთის ნებაა და თუ ექიმებმა რაიმე არასწორად გააკეთეს, ღმერთმა დასაჯოს, მე მეტს ვერაფერს ვერ ვიტყვი. რაც შეეხება მომხდარის გამოძიებას, მეც და ჩემმა სიდედრ-სიმაგრამაც ხელი მოვაწერეთ, რომ სამშობიარო პერსონალის მიმართ არანაირი პრეტენზია

არ გვაქვს. ამიტომ, ახლა რომ ავდგე და დავა დავიწყო, წნორი არ იქნება, თუმცა არც მინდა და არც ვაპირებ. ყველაფერს თავი დავანებე. ერთადერთი საზრუნავი ის მაქვს, რომ პატარა ბიჭი, რომელიც ისევ ინკუბატორშია, დროულად გამოვიყვანო სახლში და მას მივხედო. მას ანდრია დავარქვით. ჩემს პირველ შვილსაც ჯანმრთელობის პრობლემები შეექმნა და თბილისში მყავს ექიმებთან. ამიტომ უამრავი საზრუნავი მაქვს და არაფრის თავი არ მაქვს, რომ გარდაცვალების ფაქტის გამოძიებაზე ვიფიქრო. არც ექსპერტიზების თავი მაქვს და ამის გამო საფლავს ნამდვილად ვერ გაგვსწია“

როგორც სოფელ სამთაწყაროში გამგებლის წარმომადგენელმა, გულო ნადირაშვილმა გაზეთ „შირაქს“ განუცხადა გარდაცვლილი აჭარიდან გამოთხოვილი იყო, ამიტომ, ცხედარი აჭარაში, მშობლების სახლში გადაასვენეს და ქობულეთში დაკრძალეს.

ილია მარტყოფლიშვილი

მოსავლის აღება დაიწყო

ხანგრძლივი წვიმების შემდეგ, როგორც იქნა, მზემ იძალა და ზაფხული მოვიდა. უამინდობამ ყველას მოაბეზრა თავი, მაგრამ გამოდარებას ყველაზე მოუთმენლად ის ადამიანები ელოდნენ, ვისაც საშემოდგომო ნათესები აქვს-ზოგს ბევრი, ზოგს ცოტა, ზოგს სესხითა და ვალით დათესილი, ზოგს გასული წლის უხვი მოსავლით წელგამართულსაკუთარი სახსრებით. ასეა თუ ისე, არც წლევანდელი ალოობის პროგნოზია. მოსავალი, ძირითადად, კარგია. შემოდგომის და გაზაფხულის ნალექებმა ქერსაც და ხორბალსაც განვითარების კარგი პირობები შეუქმნა. კარს მომდგარ უხვ მოსავალს კი საფრთხე ბოლო დროს მოსულმა უხვმა ნალექმა შეუქმნა. ყანები ზოგან წაიქცა, ზოგან სეტყვამაც გადაუარა და, ძირითადად, ქერის მოსავალი დააზიანა. მოვარდნილმა ნიაღვარმა ნათესები წაიღო. ამ ყველაფრის მიუხედავად, მინდვრები მაინც უხვ მოსავალს გვპირდებიან. ახლა ყველა დროს ემუქრება. შემდეგი 10 დღის ამინდის პროგნოზი საიმედოა და ნალექს არ ითვალისწინებს, თუმცა რას გაიგებ „ბუნება მბრძანებელიაო“ დაგვმოდღვრა დიდმა ვაჟამ და ჩვენც მუდამ შიშით შევყურებთ მის „კაპრიზს“ და საქმეს ვეშურებით. საშური, ნამდვილად საშური და ხალხიც ჩქარობს, რაც შეიძლება მალე დააბინავოს მოსავალი, რადგან „მოსავალი ის არის, რაც ბელელშიაო“. ახლა მთავარია, ტექნიკა იყოს საკმარისი. ჯერ-ჯერობით, ვიდრე მარტო ქერის აღებას ემუქრება ხალხი, კომბაინები საკმარისია, სატივით მანქანებიც არის. კერძო ტექნიკა ბირჟებზე დგას, შპს „მექანიზატორის“ კომბაინებიც მზად არიან. ჩვენ „მექანიზატორის“ დირექტორს ღაპიტი ბონაშვილს ვესაუბრეთ:

-დავით, ალოობა დაიწყო, როგორი

მომზადებული შეხვედით სოფლის მეურნეობის დარგის ამ კამპანიას, რამდენი კომბაინი გაქვთ მზად?

-დიახ, ძირითადად ქერის აღება მიმდინარეობს, ჩვენ ყოველმხრივ გამართული ტექნიკა გვაქვს, ახალი თაობის და უმაღლესი ტექნიკური შესაძლებლების მქონე. 26 კომბაინი მუშაობს. ამას ემატება ჩვენს მიერ სხვა რაიონებიდან დახმარებაზე ჩამოყვანილი 7 კომბაინიც. თუ საჭირო გახდება, კიდევ შეგვიძლია ჩამოვიყვანოთ, მთავარია, ამინდმა ისევ არ გვიმტყუნოს.

-რა ღირს ჰექტარი ყანის მომკა?
-საჰექტარო მომსახურების ზღვრული ფასი 80 ლარიდან 90 ლარამდეა იმის მიხედვით, რამდენია ასაღები ფართობი. რაც უფრო მეტია ჰექტარების რაოდენობა, უფრო ნაკლებია ფასი.
-რით ახსნით იმ ფაქტს, რომ პრეის-კურანტი, რომელიც „მექანიზატორის“ დაარსებისას შედგა, თითქმის არ შემცირებულა. არადა, მასში თავისი წილი სანავსაც უჭირავს. მაშინ სანავი 2,40 ლარი ღირდა, ახლა კი 1,40 ლარია, თუმცა, ფასის გადახედვა არ მოხდა.

-იცით, ასე მარტივად არ დგას საკითხი. ჩვენი ტექნიკა ევროდიზელზე მუშაობს, რომლის ფასიც, ჩვეულებრივ

დიზელთან შედარებით, მაღალია. ამასთან, უკვე რამდენი წელია, ეს ტექნიკა გვემსახურება. მათ უკვე სათადარიგო ნაწი-



ლები სჭირდება, მომსახურების ხარჯები და აღარც იმდენი სხვაობა აქვს კერძო მომსახურებასთან შედარებით. სამაგიეროდ ჩვენი კომბაინები უდანაკარგოდ და ხარისხიანად იღებენ მოსავალს, მათთვის სიმწიფეს არ წარმოადგენს ჩანოლილი ყანა, სწრაფია და დროში არ ინელებს. გვესმის, რომ ხალხის დიდ ნაწილს უჭირს ამხელა თანხის გადახდა, მაგრამ სხვას ვერაფერს ვთავაზობთ. ალტერნატივაც ხომ არსებობს კერძო ტექნიკის სახით. ვინც როგორ უღირს, იმით უნდა ისარგებლოს.

ასეა, ბატონი დავითის პასუხი ცალსახაა, ის სახელმწიფო სტრუქტურაა და



შედავთების დაწესება მისი პრეროგატივა არ გახლავთ. თუ სადმე მადლიან კაცს ნაანყდით, ან ნაცნობ-ნათესავი გყავთ და იაფად მოგემსახურათ, თუ კერძო ტექნიკამ არ გიმტყუნათ და ნაკვეთში ჩამდგარი კომბაინი დღეში სამჯერ არ გაგიტყდათ, ჩათვალეთ რომ ბედმა გაგიღიმათ. ასეთია დღევანდელი რეალობა. ბარაქიან აალობას გისურვებთ.

ნაირა გორაშვილი

წარმატებისთვის უფლისბან ნაბოძებ ნიჭს შრომა უნდა დაუმატო

საქართველოს ბავშვთა და ახალგაზდული საგუნდო კოლექტივების II ეროვნულ კონკურსში, რომელიც საქართველოს საგუნდო საზოგადოების ინიციატივით და ორგანიზებით ჩატარდა, ჩვენი რაიონიდან რამოდენიმე გუნდი ლეზულობდა მონაწილეობას. სიამაყით უნდა ვთქვათ, რომ თითოეულმა მათგანმა სერიოზული წარმატებები მოიპოვა. ერთ-ერთი მათგანი კულტურის სახლთან არსებული ქალთა ანსამბლი „მანდილია“, რომელსაც გამოცდილი და მაღალკვალიფიციური სპეციალისტი დალი

დაეხმარა. ხელმძღვანელთა მცდელობამ და გოგონების ნიჭიერებამ შედეგად შესაბამისი გამოიღო. მათ ორ კატეგორიაში ხალხურ სიმღერასა და გალობაში მიიღეს მონაწილეობა. მათ შეასრულეს ქართლ-კახური ხალხური სიმღერა „მე რეგვენმა პატარაძალმა“ და ურთულესი გურული სიმღერა „ჩვენ მშვიდობა“, საგალობლებიდან კი - „მოვედით თაყვანი ვსცეთ“ და აღდგომის ტროპარი IV ხმის „ბრწყინვალე იგი“. დემა ჟიურის დიდი მონაწილეობა დაიმსახურეს ორივე კატეგორიაში. გამორჩეულად მაღალი

მთელი თავისი ცხოვრება სცენაზე იდგა და ქართული ხალხური სიმღერის პოპულარიზაციას ემსახურებოდა. სიმღერასთან ერთად შესანიშნავად ცეკვავდა კიდევ. ზოგადად, არტისტული პიროვნებაა. მღეროდნენ ჩემი ბებია და მისი დები დედის მხრიდან. მღერიან ჩემი მშობლებიც. გამორჩეულად დედა, რომელსაც მრავალი სპეციალობა აქვს. მან ჯერ ტექნიკურ უნივერსიტეტში ნყალმომარაგება-ეკოლოგიის ფაკულტეტი დაამთავრა, შემდეგ სახელოვნობო სასწავლებელში ხელოვნებათმცოდნეობა და

მასწავლებელმა კი ჩვენ შრომა და მოთმინება გვასწავლა, რისთვისაც მაღლიერი ვართ მისი. - **თქვენ ხალხურ სიმღერასთან ერთად გალობთ კიდევ. ამის შესახებ გვითხარით.** - უკვე 6 წელია, ვგალობთ. არასოდეს დაგვაწყინებია პირველი გალობა 2010 წელს ზემო მარჩაანის წმინდა გიორგის თავის კვეთის ეკლესიაში გიორგობის დღესასწაულის ღამის თევაზე. ამის შემდეგ მეუფემ დედოფლისწყაროს სამლოცველო სახლის მგალობლებად დავგვნიშნა მე, ჩემი და მარიამი, ანა

ობიექტური და ჯანსაღი გარემო. შევიძინეთ ბევრი მეგობარი. - **ანა, თქვენ რამდენიმე ხანს ბავშვთა გასართობ ცენტრ „ლაბირინთში“ დიჯეებდ მუშაობდით. რა მოგცათ ამ საქმიანობამ?** - ვიცი, რომ ამ სამსახურში თქვენი რეკომენდაციით მიგვიღეს, რისთვისაც დიდად მაღლიერი ვართ. ეს იყო ჩვენი შემოქმედებითი უნარის გამოვლენის კარგი ასპარეზი. ჩემი და მარიამი არა მარტო მღერის, არამედ მრავალმხრივი შემოქმედებითი ნიჭითა დაჯილდოვებული. მისი „ხელმძღვანელობით“ კარგად გამოგვიდოდა ჩვენი მოვალეობის შესრულება. ეს დიდი გამოცდილება იყო ჩვენთვის, ამასთან, გარკვეული ეკონომიკური გამოწვევაც, რადგან არა მარტო ჩვენი „ჯიბის ფული“ გაგვიჩნდა, ოჯახისთვის კი შევიძინეთ რაღაც-რაღაცა ნივთები. დროში ვეღარ ვეტეოდით და ამიტომ მოგვიხდა ამ სამსახურის დატოვება, რაზეც დღესაც გენწყვდება გული. „ლაბირინთის“ მეპატრონეები მარინა ცხველიაშვილი და ბიძინა პაპაშვილი, ძალიან კეთილი და კონტაქტური ადამიანები არიან. სულ მუდამ გვემხსოვრება ჩვენი პირველი სამსახური.

- **ანა, უფროსმა დამ - ქრისტინამ ბიზნეს-ეკონომიკის ფაკულტეტი დაამთავრა, ლიკა კავკასიოლოგიის ფაკულტეტზე სწავლობს. არ აპირებთ რომელიმე კულტურის დარგის სამსახურში ჩადგეთ?** - აუცილებლად. მარიამი ახლა აბიტურიენტია და კულტურის კვლევის საკითხებითა დაინტერესებული. ამ კუთხით კონკრეტულ სფეროს შეარჩევს და სწავლას გააგრძელებს. რაც შემეხება მე, უკვე ორი წელია, ვსწავლობ დედოფლისწყაროს



დალი ელისაშვილის საანგარიშო კონცერტი

ელისაშვილი ხელმძღვანელობს. კონკურსზე გუნდი წარსდგა შემდეგი შემადგენლობით: ანა და მარიამ ლოლაშვილები, ანასტასია და ლიზი ყორიამბილები, თამთა ფაქიძე, თეონა ჯალაღანიანი, მალვინა ისმაილოვა. მათ მონაწილეობა მიიღეს ხალხური სიმღერის კატეგორიაში და ლაურეატის წოდება და პირველი ადგილი დაიმსახურეს. ანასამბლი „მანდილი“ დიდი ხანია, დედოფლისწყაროელი მსმენელისათვის საყვარელ შემსრულებლად იქცა და მათი ყოველი გამოსვლა გულწრფელი აპლოდისმენტებით ფასდება. ამ აღიარებას მათ ქალბატონი დალი ელისაშვილის თავდაუზოგავი შრომით მიაღწიეს, რომელიც ყველაფერს აკეთებს რაიონში ხალხური სიმღერისა და ფოლკლორის აღორძინებისათვის. ის გოგონებთან ერთად ვაჟების გუნდსაც ხელმძღვანელობს და ძალისხმევას არ იშურებს მათი წარმატებისთვის. ამის დასტურია ამ დღეებში ჩატარებული დალი ელისაშვილის საანგარიშო საღამო, რომელმაც დიდი სიამოვნება მიანიჭა მსმენელს. გოგონების და ვაჟების მიერ შესრულებულმა სხვადასხვა კუთხის ურთულესმა სიმღერებმა კიდევ ერთხელ დაარწმუნა მსმენელი, რომ ჩვენს რაიონში გამორჩეული ყურადღება ექცევა ფოლკლორის შენარჩუნებას და ხალხური სიმღერის განვითარებას.

შედეგი აჩვენეს გალობაში. მათ ლაურეატის წოდება, პირველი ადგილი და „ოქროს მედალი“ მოიპოვეს. მოგვიანებით კი გაიგეს, რომ მათ ფულადი ჯილდო 600 ლარიც ერგოთ. გოგონებთან შეხვედრა და გასაუბრება გადავწყვიტეთ. რედაქციაში მხოლოდ ანა მოვიდა. ლიკას და მარიამს საპატიო მიზეზი აქვთ, რადგან ლიკა თბილისის ივანე ჯავახიშვილის სახელმწიფო უნივერსიტეტის კავკასიოლოგიის ფაკულტეტზე სწავლობს და მეორე კურსზე გადადის, მარიამმა კი დედოფლისწყაროს №1 საჯარო სკოლა დაამთავრა და ეროვნული გამოცდებისთვის ემზადება. ანას-

რელიგია. ამჟამად №2 საჯარო სკოლაში რელიგიას ასწავლის, პარალელურად კი საბავშვო სტუდია „არლექსონ“ ხელმძღვანელობს. ისე რომ, მასაც გენეტეკურმა ფაქტორმა გადასცა და თავს კულტურაში მუშაობისას უფრო კომფორტულად გრძნობს. მე, ლიკა და მარიამი ბავშვობიდან სცენაზე ვდგავართ და ვმღერით. უფროსი დამ - ქრისტინეც მღერის, მაგრამ ისე, საოჯახოდ. ჩვენგან სტუმარი მუდამ კმაყოფილი მიდის, რადგან მოლხენა ჩვენი ტრადიციული შესტია. - **ანა, შენ და მარიამი კულტურის სახლთან არსებულ ქალთა ანსამბლ „მანდილის“**

ხუმარაშვილი, თეონა ბენაშვილი, სოფიო მენთეშაშვილი და ქეთი ჩაფიაშვილი. გოგონების უმრავლესობამ საჯარო სკოლა უკვე დაამთავრა. ამიტომ, ჩვენთან ერთად უმცროსებიც გალობდნენ, რომლებიც ესტაფეტას ღირსეულად გადაიბარებენ. გალობა კი ჩვენი ცხოვრე-

ბის განუყოფელი ნაწილი არის და იქნება სულ მუდამ. ეკლესია მხოლოდ ზნეობრივს და დადებითს გვასწავლის, რწმენა არის ის ქვაკუთხედი, რაზეც უნდა ავაგოთ ჩვენი ცხოვრება. - **სწორედ გალობის კატეგორიაში მოიპოვეთ თქვენ ოქროს მედალი. რას იტყვი ამ კონკურსის შესახებ?** - ამ კონკურსმა ჩვენ დიდი გამოცდილება შეგვძინა და ძალიან გაგვახარა, რადგან ჟიურის ასეთი მაღალი კომპეტენციის მქონე წევრთა უმაღლესი შეფასების მიღება პატარა საქმე არ არის. მნიშვნელოვანია ის, რომ ჟიური შეფასებასთან ერთად ქორმეისტერებს ინდივიდუალურად ესაუბრებოდა, აძლევდა შენიშვნებს, რჩევებს და უზიარებდა გამოცდილებას. იყო



თან საუბარი საინტერესო აღმოჩნდა: - **ანა, პირველ რიგში შენი ოჯახის და გენეტიკის შესახებ გვიამბეთ.** - საკმაოდ დიდი ოჯახი მაქვს. პაპაჩემი ბიჭიკო და ბებია ლილი პენსიონერები არიან და, ძირითადად, საოჯახო საქმეებს ავგარებენ, მშობლები ზაზა და ნინო მოსამსახურეები არიან. ოთხი დედამისიშვილი ვართ, ოთხივე გოგო, ისე რომ, ოჯახში გენდერული ბალანსი ჩვენს მხარეზეა, თუმცა, ჩვენი მამაკაცების სიტყვას გადაწყვეტი მნიშვნელობა აქვს. რაც შეეხება გენეტიკას და ჩვენს სიმღერის უნარს, ნამდვილად ფსევებიდან მოდის: პაპაჩემი - ბიჭიკო ლოლაშვილი

წევრებიც ხართ. რას იტყვი ამ ანსამბლის შესახებ? - „მანდილი“ ჩვენ მისი დაარსების დღიდან ვმღერით სხვა, ძალიან კარგ გოგონებთან ერთად. ანსამბლი წარმატებულია და ეს მისი ხელმძღვანელის ქალბატონ დალი ელისაშვილის დამსახურებაა. მას დიდი ამაგი აქვს ჩვენზე და, ზოგადად, რაიონში ფოლკლორის შენარჩუნებასა და განვითარებაზე. ჩვენ მასთან ავიდგით ფეხი და მან მთელი ჩვენი შესაძლებლობის გამოვლენის საშუალება მოგვცა. სისხლის ფასად შემონახულ ამ ჩვენს საგანძურს ის თავდაუზოგავად ემსახურება. ის ჩვენთვის მისაბაძი მაგალითია. მარტო ნიჭით შედეგს ვერ მიაღწევ. დალი

ბის განუყოფელი ნაწილი არის და იქნება სულ მუდამ. ეკლესია მხოლოდ ზნეობრივს და დადებითს გვასწავლის, რწმენა არის ის ქვაკუთხედი, რაზეც უნდა ავაგოთ ჩვენი ცხოვრება. - **სწორედ გალობის კატეგორიაში მოიპოვეთ თქვენ ოქროს მედალი. რას იტყვი ამ კონკურსის შესახებ?** - ამ კონკურსმა ჩვენ დიდი გამოცდილება შეგვძინა და ძალიან გაგვახარა, რადგან ჟიურის ასეთი მაღალი კომპეტენციის მქონე წევრთა უმაღლესი შეფასების მიღება პატარა საქმე არ არის. მნიშვნელოვანია ის, რომ ჟიური შეფასებასთან ერთად ქორმეისტერებს ინდივიდუალურად ესაუბრებოდა, აძლევდა შენიშვნებს, რჩევებს და უზიარებდა გამოცდილებას. იყო

ჰამლეტ გონაშვილის სახელობის ქართული გალობის და ხალხური სიმღერის შემსწავლელ სკოლაში, რომელიც ამზადებს მოსწავლეებს გიორგი მთაწმინდელის სახელობის გალობის უმაღლესი სასწავლებლისთვის. იქ პროფესიულ დონეზე ამზადებენ ლობჯარებს როგორც ხალხურ სიმღერაში, ასევე გალობაში. მე მინდა, კარგი სპეციალისტი გამოვიდე და ჩემი ცოდნა მომავალ თაობაში ჩავედო. ამისთვის საძირკველს გვიმარაგებს ჩვენი მასწავლებელი გელა გველუკაშვილი. სულ მახსოვს, რომ უფლისგან ნაბოძებ ნიჭს თავდადებული შრომა უნდა დაუმატო, თუ გინდა რომ წარმატებული იყო.

ესაუბრა ნაირა გორაშვილი

დედოფლისწყაროს მუნიციპალიტეტი აცხადებს საჯარო აუქციონს მის ბალანსზე რიცხული უძრავი ქონების პრივატიზების მიზნით

1. აუქციონზე გასაყიდად გამოტანილი იქნება დედოფლისწყაროს მუნიციპალიტეტის საკუთრებაში არსებული ქონება:

ლოტი	მისამართი	ქონების დასახელება	საკადასტრო კოდი	ფართობი	საწყისი საპრივატიზებო ფასი(ლარებში)	„ბე“ საწყისი ფასის (ლარებში)	„ბიჯი“ საწყისი ფასის (ლარებში)	„მონაწილის ბილეთის“ ფასი (ლარებში)
1	დედოფლისწყაროს მუნიციპალიტეტი. სოფელი გამარჯვება	არასასოფლო-სამეურნეო დანიშნულების მიწის ნაკვეთი	52.05.32.028	80 კვ.მ.	800	10%	5%	100
2	ქალაქი დედოფლისწყარო. ჰ. გონაშვილის ქუჩა N3	არასასოფლო-სამეურნეო დანიშნულების მიწის ნაკვეთი	52.08.33.144	25 კვ.მ.	550	10%	5%	100
3	დედოფლისწყაროს მუნიციპალიტეტი სოფელი ზემო ქედი	არასასოფლო-სამეურნეო დანიშნულების მიწის ნაკვეთი და მასზე განთავსებული საცხოვრებელი კორპუსი	52.09.33.004	1132 კვ.მ. (განაშენიანების ფართი 784 კვ.მ)	22000	10%	5%	100
4	დედოფლისწყაროს მუნიციპალიტეტი სოფელი არხილოსკალო	არასასოფლო-სამეურნეო დანიშნულების მიწის ნაკვეთი და მასზე განთავსებული შენობა-ნაგებობა	52.10.31.099	786 კვ.მ (განაშენიანების ფართი 139.92 კვ.მ)	1200	10%	5%	100

2. აუქციონზე სარგებლობის უფლებით (იჯარით) 10 (ათი) წლის ვადით გადასაცემად გამოტანილი იქნება შემდეგი ქონება:

ლოტი	მისამართი	ქონების დასახელება	საკადასტრო კოდი	ფართობი	ქირის წლიური საფასური (ლარებში)	„ბე“ საწყისი ფასის (ლარებში)	„ბიჯი“ საწყისი ფასის (ლარებში)	„მონაწილის ბილეთის“ ფასი (ლარებში)
1	დედოფლისწყაროს მუნიციპალიტეტი. სოფელი ხორნაბუჯი (ბალკა)	სასოფლო-სამეურნეო დანიშნულების მიწის ნაკვეთი (საძოვარი)	52.31.31.001	800 000 კვ.მ	2240	10%	5%	100

აუქციონში მონაწილეობის მიღება შეუძლიათ: საქართველოს ან უცხო ქვეყნის ფიზიკურ ან იურიდიულ პირს, ან იმ პირთა გაერთიანებას რომლის ქონებაშიც, საქართველოს სახელმწიფოს ან ადგილობრივი თვითმმართველობის ორგანოს მონაწილეობის წილი 25%-ზე ნაკლებია.

აუქციონში მონაწილეობის მსურველთა განაცხადების მიღება იწარმოებს დედოფლისწყაროს მუნიციპალიტეტის ადმინისტრაციულ შენობაში (მე-3 სართული, მუნიციპალიტეტის გამგეობის ადმინისტრაციული სამსახური. ანა ბენაშვილი), ინფორმაციის გამოკვეყნებიდან ყოველდღე, შაბათ-კვირის გარდა 10-დან 17 საათამდე, 30-ე კალენდარული დღის 13 00 სთ-მდე. იმ შემთხვევაში, თუ 30-ე კალენდარული დღე ემთხვევა დასვენების დღეს, მაშინ განაცხადების მიღება გაგრძელდება და შეწყდება მომდევნო პირველსავე სამუშაო დღეს, 13 00 სთ-ზე.

საჯარო აუქციონი პირველ ლოტზე გაიმართება განაცხადების მიღების დამთავრების დღეს, 14 00 სთ-ზე, მე-2 ლოტზე -1415 სთ-ზე; მე-3 ლოტზე -1430 სთ-ზე; მე-4 ლოტზე -1445 სთ-ზე;

საჯარო აუქციონი სარგებლობის უფლებით (იჯარით) ქონების გადასაცემად გაიმართება 1500 სთ-ზე;

მისამართი: ქ. დედოფლისწყარო, მ. კოსტავას ქ. N44, მე-3 სართული, გამგეობის ადმინისტრაციული სამსახური.

საჯარო აუქციონში მონაწილეობის მიღების მსურველი აუქციონის რეგისტრატორს (დედოფლისწყაროს მუნიციპალიტეტის გამგეობა, მე-3 სართული, მუნიციპალიტეტის გამგეობის ადმინისტრაციული სამსახურის მთავარი სპეციალისტი, ანა ბენაშვილი) წარუდგენს შემდეგ დოკუმენტებს:

- განაცხადს, დადგენილი ფორმის მიხედვით;
- „ბე“-ს და მონაწილის ბილეთის საფასურის გადახდის დამადასტურებელ ქვითარს, რომელიც გადახდილ უნდა იქნეს შემდეგ ანგარიშზე: ერთიანი საბიუჯეტო ანგარიში 200122900; სახელმწიფო ხაზინა-220101222;
- კოდი - 300533390 (არასასოფლო-სამეურნეო დანიშნულების მიწის ნაკვეთი), კოდი - 300533325 (არასასოფლო-სამეურნეო დანიშნულების მიწის ნაკვეთი მასზე განთავსებული შენობა-ნაგებობით); კოდი - 300533047 (სასოფლო-სამეურნეო დანიშნულების მიწის ნაკვეთის (საძოვარი) იჯარა);
- პირადობის დამადასტურებელი მოწმობის ასლს (ფიზიკური პირის შემთხვევაში), ნოტარიულად დამოწმებულ სადამფუძნებლო დოკუმენტაციის ასლებს და განაცხადის შეტანის მომენტისათვის მოქმედ ამონაწერს სამენარმეო რეგისტრიდან (იურიდიული პირის შემთხვევაში).
- ნოტარიულად დამოწმებულ მინდობილობას, თუ იგი მოქმედებს სხვა პირის სახელით.

აუქციონში მონაწილეს ზემოთ ჩამოთვლილი დოკუმენტაციის რეგისტრატორთან წარმოდგენის შემდეგ გადაეცემა აუქციონზე დასწრების ბილეთი.

აუქციონში დამარცხებულს „ბე“ დაუბრუნდება, ხოლო აუქციონში გამარჯვებულმა პირმა აუქციონის ჩატარებიდან 30 დღის განმავლობაში უნდა გადაიხადოს საბოლოო თანხა. თუ მყიდველი აღნიშნულ თანხას არ გადაიხდის სრულად, მის მიერ შეტანილი „ბე“ უკან არ დაუბრუნდება.

გასაყიდი ქონებისა და აუქციონის პირობების შესახებ დამატებითი ინფორმაციის მისაღებად მოგვმართეთ შემდეგ მისამართზე: ქ.დედოფლისწყარო, მ.კოსტავას ქ. N44, დედოფლისწყაროს მუნიციპალიტეტის ადმინისტრაციული შენობა, მე-3 სართული, მუნიციპალიტეტის გამგეობის ადმინისტრაციული სამსახური.

საკონტაქტო ტელ: 599 85 58 40
სააუქციონო კომისია

ამინდი დედოფლისწყარო

ორშაბათი 20.06 დღე	სამშაბათი 21.06 ღამე	ოთხშაბათი 22.06 დღე	ხუთშაბათი 23.06 ღამე	პარასკევი 24.06 დღე	შაბათი 25.06 ღამე	კვირა 26.06 დღე	
24°	22°	25°	22°	24°	22°	23°	21°
20°	20°	20°	20°	20°	20°	19°	20°

გამომცემელი შპს „შირაპი“
დირექტორი ინგა შიოლაშვილი
რედაქტორი ნაირა გორაშვილი-პოპიაშვილი
წერილში მოყვანილ ფაქტებსა და ციფრებს პასუხს ავებს ავტორი.

სარედაქციო კოლეგია: ლალი მახრიშვილი, ილია მარტყოფლიშვილი (ჟურნალისტიკა); ელზა ხარაშვილი (სტილისტ-მენეჯერი); ნათია ზოსტაშვილი (ბუღალტერი); ნინო ჰანაშვილი (ოფის-მენეჯერი); მზია ქანჭავაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).
გაზეთი აიწყო და დაკაბადონდა „შირაპის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „სამშობლოს“ სტამბაში.

რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.